



## Hans Enoksen

Inatsisartunut Ilaasortaq, Partii Naleraq  
/-Maani

### Innaallagissap, erngup kiassarnerullu akiisa appartinneqarnissaat pillugu § 37 naapertorlugu apeqqummut 2015-019-imut akissut

Asasara Hans Enoksen

Innaallagiamut, imermut kiassarnermullu akit illugit Naalakkersuisut pilersaarutaannut  
apeqqutinnut qujanaq

Makkuninnga apeqquteqarputit:

1. **Nunaqarfinni isorliunerusunilu innaallagissap, erngup kiassarnerullu akiisa appartinneqarnissaat qaqugu piniarpa?**
2. **Akit qanoq annertutigisumik appartinneqassappat?**
3. **Aningaasat appaanermut atugassat suminngaanniit tiguneqassappat?**
4. **Landskarsi toqqaannartumik akikillisaanermut appaanermi akiliissava?**
5. **Illoqarfinni atuisut akinnerusumik akilersuisut akiliutaasa qaffannerisigut nunaqarfinni isorliunerusunilu akinnerulersitsineq matuneqassava?**

Akissut:

Akiliisinnaassutsimik naapertuilluarnermillu tunngavilimmik nukissiornermut akinik allannguissamik sulissuteqarnissaq Naalakkersuisut anguniagaraat. Tamanna innaallagiamut, imermut kiassarnermullu aningaasartuutit ilaqutariinnut inuuniarnermini aningaasaqarnerminnik ataqtigiissitsiniarlutik ilungersuuteqareersunut qanoq ilungersuutaasinaanerani takunnissinnaansinnik pissuteqarpoq. Aammattaaq illoqarfiit anginerusut erngup nukinganik innaallagialersorneqartut, kiisalu illoqarfiit minnerusut nunaqarfiillu uuliamik atuiffiusumik innaallagissiorfeqartut akornanni akit assigiinngissuteqarnerat anguniagaqarnermut pissutaavoq.

Inuiaqtigiit sumut sammisumik ineriartortinneqarnissaannik ersersitsiviusumik Naalakkersuisut naalakkersuisooqatigiinnissamik isumaqtigiissummik saqqummiussippat. Naalakkersuisooqatigiinnissamik isumaqtigiissummi anguniakkat annertuut piviusunngortissinnaajumallugit sukumiisumik misissueqqissaartoqartariaqarpoq, tamatumani kingunerisassat pitsaasut pitsaanngitsullu qulaajarneqarlutik. Nutaanik akeqartitsilernerme pissutsit arlallit oqimaaqatigiissinniarnaqartussaapput. Taamaattumik nunaqarfiit isorliunerusunilu eqqarsaatigineqarnissaat, kiisalu inuussutissarsiutinik ingerlataqartut eqqarsaatiginiarlugit avatangiisinullu ajoqutaanngitsumik nukissiornissaq siuarsarniarlugu akeqartitsinerup qanoq ataqtigiissinneqarnissaanik sukumiinerusumik ersersinniarneqalerpoq.

18-02-2015  
Suliap normua 2015-110915  
All. nr. 1868882

Postboks 1614  
3900 Nuuk  
Oqarasuaat (+299) 34 50 00  
Fax (+299) 34 54 10  
E-mail: apn@nanoq.gl  
www.naalakkersuisut.gl

Tamatuma saniatigut § 37 naapertorlugu apeqqtinni ersersitattut allannguummik  
Inatsisartunut saqqummiussinnginnermi nunatta karsianut kingunerisinnaasat  
erseqqissarneqartariaqarput tusarniaalluortoqartariaqarlunilu.

Neriuppunga sulinerup killiffia eqqarsaatigalugu akissutiga naammagigit.

Inussiarnersumik inuulluaqqusillunga  
Med venlig hilsen

Mala Høy Kùko